

COROTSÉÉTSE Coróótsari íjcyáme éllevu Páávoru cáátúnuháám:

Duurúvaju

¹ Oo Páávoru Jetsocríjtodítýú ímiáájú pajtyéteju íjcyáné uwááboobe Píívyééberée ihdyu oke ityújkevééllédú íj-cyaabe tééné wákimyéivu pícyoóbe. ² Aabe íñe íhyaami o cáátúnuháámí muhtsi ménahbe Timotéoma méwallóó ámuha elle Coróótsari meíjcyame Críjtoke meúraavyémé múuhá nahbému éllevu. Áámeke óvíi Méécááni Píívyéébe ámúhakyé píaabó íbúwájíí ámuha meíjcyaki.

Cahcújtso múnáá hallúvú píáábó Páávoru táúmeíñe

³ Paíjyuvaré Píívyéébe Jetsocríjtój Caaníkyé muhtsi météhdútsohíjcyá ámuhá hallúvú dííbyema muhtsi meíhjúvacoóca. ⁴ Muuráhjáa múhtsikye úúballémé ímí Jetsocríjtoke ámuha mecáhcujsónéllii tsáimíyé mewájýucatsíhijcyáné pámeemáyé Píívyéébeéjté íjcyámema. Áánéllii muhtsi météhdútsohíjcyá dííbyeke. ⁵ Ehdúvá ímí ámuha meícyahíjcyá ííne imíjyaú meíjcyaiñé Píívyéébe méwáábyuta níjkyejívú méénune ámuha mewáájácúnema. Muuréváhjáa Jetsocríjtodítýú pajtyéteju íjcyáné uwááboju ámuha melléébótsihdyújuco teene ámuha meítsohíjcyáne. ⁶ Áané uwááboju muurá tsúúca tsújaavé pahúllevávú ííñújiri. Aane mítyame icyáhcujsóne ímí úráávyehíjcyá éhnée ámuha tujkénú meíjcyadu. Muuráhjáa Píívyéébe mítyane meke wájýune ámuha mewáájácúne ímí mecáhcujsóhi. ⁷ Téénevúu muurá Epáápara muhtsi wájýú menéébe ímichi ámúhakyé

úwaabóhi. Aabe ímí Críjtoke úráávyeebe múhtsikye píáábohíjcyá ámuha múhtsikye mepíáábóiyóne. ⁸ Aabée múúhake úúballé ímí ámuha mewájyújcatsíñe.

⁹ Áánée muha mewáájácútsihdyu pájyuvaré ámúhá hallúvú píáábó Píívyéébeke métáúmeíhijcyá dibye ámúhake ímíñeúvú iwáájácútsó íjtsaméivu. ¹⁰ Áhdurée idyé muha métáúmeíhijcyá ámúhake dibye íajcu dííbyé icyánéjcu ámuha meíjtsóíñé waajácuvu ímí dííbyeke ámuha mewáájácúne muhdú dibye ímillédú meíjcyámedítýú ímíááneréjucu íbóhówaúcunúki. ¹¹ Ehdu nééné píáábó muha métáúmeíhijcyá ámúhá hallúvú Píívyéébeke dibye íihnáhoori ámúhake tsípajtsómé panévá ímítyuháñé ámuha maábúcuhijcyaki. ¹² Aame dibye ámúhake ímíbájchóné hallúvú ímíjyuri ámuha dííbyeke metéhdújtsoki. ¹³ Muuráhjáa dííbyere Píívyéébe meke íjchívyetsó Naavéné hójtsí pañétú éhne múu cúúvétsihyi íjcyadu meícyahíjcyámeke. Áanemáa meke pícyoobe mítyane iwájyuube íllí avyéjvúrjúcu. ¹⁴ Dibyé muurá dsíjívénéj tééveri mééma ímíbájchoobe méímítyuháñé méhdi ídáátsóvéne.

Jetsocríjtó dsíjívénéj tééveri ímí Píívyéébe maájtyumítuube íllí Jetsocríjtoj tééveri méhdivu bóhówaavé páñé píivyéébére íjcyáabe.

¹⁵ Muuráhjáa Píívyéébeke maájtyumítuube íllí Jetsocríjtoj tééveri méhdivu bóhówaavé páñé píivyéébére íjcyáabe. ¹⁶ Díbyéhjáa muurá Jetsocríjtoj tééveri ípívyéjtsóobe páneere múhdúné tsíeméné ííñújiri íjcyánéhjíma íévéhóowari íjcyanéhjí maájtyumínee, maájtyumítúnee, íjcyane. Téhduréhjáa ípívyéjtsóobe níjkyéjji múnáama naavémuke pámeere íavyéjújtema. Ehdúhjáa panévare ípívyéjtsóobe íllíj tééveri ténéhjiri

dibye íávyéjútsámeíki. ¹⁷ Aabéhjáa ihdyu Críjto ícyahíjcyá tsúúcajátújuco íjcyaduré íínéubáreíkyé íjcyátúné ihdéjuco. Áábe tájpi muurá íñe páneere múhdúné tsíeméné íjcyane íjcyáhi. ¹⁸ Aabe muurá díbyé cahcújtso múnaa meíjcyámé túkevétsoobe íñe méhniwau meke túkevétsohíjcyádú néébeé. Muuráhjáa dsíjívéebe tsiíñe bohíí téhdure medsíjívémé mebóhíííñe tújkénuúbe. Áábekée Píívyéébe picyóó páné avyéjuubéré dibye íjcyaki. ¹⁹ Ehdúu Píívyéébe imíllé íbóhówájtsámeíñe Críjtoj tééveri. ²⁰ Muuráhjáa páwachékevu ítyujpácýó waagóoobe páneere íñe múhdúné tsíeméné ííñújiri íjcyánema íévéhóówari íjcyanéhjí íímíbbáavyeki, téhdure tsaímíyé míamúnaa Píívyéébema íjcyaki. Aanée Píívyéébe ímí íjtsúcunúhi.

²¹ Muuráhjáa íhde ámuha Píívyéébeke mémúnáátsohíjcyá ímityúné ámuha meméénuhíjcyánéllííhye. Árómeke tsúúca ámúhakyé íímíbbájchómeke újcuube tsaímíyéjuco ámuha díbyema meíjcyá Críjtóo míamúnáájpidívú íípívyéévéne dsíjívénej tééveri. ²² Ehdúu méénuube ííne ímityú máhallúrí íjcyájúcootúmé tsaímíyéjuco menéémeke újcuuki. ²³ Áánéllíí ámúhakyé o néé íínevú táhjátsámeityúmé tsaímíyé ámuha meúráávyé muhdú mepájtyetéíñe uwááboju tsúúca ámuha mewáájacúne. Áané uwááboju muurá íñe úwááboobéré o péhíjcyané tsúúca ííñújiri pahúllevávú tsújaavéhi.

Cahcújtso múnáa píááboobe Páávoro

²⁴ Áánéllíí ó ímíjyúú ámúhakyé o píáábóné wákimyéí o méénúneri o ícúbáhrámeíyoóbe. Ehdúu muurá Críjto mewájyuri ícúbáhrámeídyújuco o ícúbáhrámeíhíjcyáne. ²⁵ Muuráhjáa Píívyéébe oke níwaavénéjuco íñe cahcújtso

múnáake o piáábohíjcyáne. Aabe ámúhake ó úwáábohíjcyá tene íjcyadújuco. ²⁶ Muuráhjáa tsúúcajátújuco dibye pítýájcámeíñé tsá múha wáájacuhíjcyatúne. Méihdé múnáaúvúhjáa íjcyarómé tsá wáájacutú teéne. Áánevu íñe icyooca tsúúca meke waajácútsobe ihñéjté meíjcyámeke. ²⁷ Aane Críjto mééma íjcyáneri tsúúca méwaa-jácú tsaímíyé Píívyéébé avyējuri meíjcyaiñe. Eene muurá wáájacúratúné íjcyanévú imílleebe téhdure ámúhake iwáájacútsóné jodíómú ámuha meíjcyátúrómeke.

²⁸ Aane íñe muha méúwáábohíjcyá pámeekéré panévaturé túkévjtsoméré ditye Críjtoj tééveri éhniíñevu iwáájacúne ímiááméré Píívyéébéma íjcyaki. ²⁹ Áánéllii muurá íñe ávyétá ihnáhó ó úwáábohíjcyá ícúbáhrámeíbyéré Críjto oke piáábóneri.

2

¹ Aane ó imíllé ámuha Raoditséá cóomi múnáa tsijtye oke wáájacúturómema mewáájacúné ávyétá ihnáhó ámúhá hallúvú piáábó o táúmeíhíjcyáne Píívyéébeke ímíñeúvú ámuha Críjtoke meúraávyeki. ² Aabe ó imíllé ámuha tsaímíyé mewáájacúné ímíñeúvú mewáájacúné muhdúhjáa Píívyéébe mééma Críjtoj tééveri wáájacúratúné méenuhíjcyáne. ³ Dííbyedi ihdyu páneere ímiá tujkéveju ijcyáhi. ⁴ Ehdu íñe ámúhake ó téíbúwátsohíjcyá tsaate ámúhake iállíñeri imújtátsótuki. ⁵ Muurá tsá ámúhama elle o íjcyáturóne. Árónáa ámúhama ó ijcyá tájtsaméiyi. Áánéllii ó imíjyúú ímí ámuha Críjtoke mecáhcujtsómé tsaímíyé meíjcyáneri.

⁶ Aame muhdúhjáa ámuha tujkénú dííbyeke mecáhcújtsóijyu meíjcyadu tsaahdúré ímíñeúvú meíjcyá dííbyema. ⁷ Ahdícyane ímíñeúvú mecáhcújtsóóbedívú meíhvéjtsámeíñe paíjyuvaré

Píívyéébeke météhdútsohíjcyá muhdúhjáa ámúhakeye o úwaabódu.

Críjtoke cáhcujtsómé tshdyuréjuco íjcyane

⁸ Téíibúwá tsáma méíjcyaco tsaate ííjtsaméityúré iújcúné uwáábori ámúhakeye imújtátsótuki. Muurá míamúnáá íjtsaméityúré tsááne méénuhíjcyáme. Tsá Críjtodítyú tsááne íjtsaméiyi ditye úwáábohíjcyatúne.

⁹ Muurá muhdú Píívyéébe íjcyane méwaaajácú Críjto míamúnáájpidívúu ípívyéévéébej tééveri. ¹⁰ Aabe muurá pámeere níjkyéji múnaa naavémuu, íjcyámé éhniíñevu íhstsútuúbe. Áánéllii dííbyema meíjcyámema téhdure íjcyabe Píívyéébeé. ¹¹ Aabe tsúúca ámúhakeye íjchívyetsó ímityúnetu Críjto ámúhama íjcyánéllíihye. Tsá idyé mekíhdyahírótsámeíñeri meímíbáávyetúne. Muurá ihdyu Críjtoj tééveriyé meke ímíbjchoóbe. ¹² Muuráhjáa metsójtsótsámeíñeri ménaavénú dsíjívéébekée ditye cúúune. Ááneríi méúújetsó íhdée múhdurá meícyahíjcyané tsúúca méíhvejtsóne. Aame ícyooca tshdyuréjuco mee Píívyéébéé íhnháhoori bóhíítsóóbeke mecáhcújtsónema. ¹³ Muuráhjáa éíjyu ámuha éhne múu dsíjívemédú meícyahíjcyá ámuha ímityúné meícyahíjcyané méíhvéjtsótúnéllíihye. Áronáa ícyooca tsúúca Píívyéébe ámúhakeye ímíjpyetétsó téénetu Críjtoj tééveri ámúhadi ídáátsóvéenema. ¹⁴ Muuráhjáa dííbyé taúhbaju néhdu meíjcyátúné déjúcotu méhdi ícúbáhráíyoóbe. Áronáacáa mééma ímíbjchoobe ílli Críjtoke ditye páwachékevu wátyétyéhcuube dsíjívénéj tééveri. Ehdúu mééma ímíbjchoobe mewágóóóvéíyónetu meke ípájtyetétsoki. ¹⁵ Muuráhjáa páwachékevu ditye wátyétyéhcuube Críjto ídsíjívéneri

tsúuca tahjá Naavéneke ihyájkímumájucu. Áánetu méwaajácu tsúuca ditye táhjátsámeíñe.

*Níjkyéj*éneri metsúúrámeíñe

¹⁶ Ahdícyané méíícúvedí tsaate ámuha memáchohíj-cyánéhjitu íhjuváneeri. Áhdure méíícúvedí eene béébe nuhba íjchívyécooca ditye wáñehjívatéhíjcyáneeri ámuha méíícúvétúneri ditye ámúhadi íhjuvahíjcyáneeri. Áhdure méíícúvedí kějcoojí Píívyéébeke idyúúrvahíjcyáneeri ditye íhjuvahíjcyáneeri.

¹⁷ Éhduhjíikyée muurá meméénúneri Píívyéébeke méúráávyehíjcyáhi. Ááneríhjáa ménaavénuhíjcyá Críjtoke díbye méhdivu bóhówáávétúné hajchóta. Árónáa ícyooca tsáhájucu tehdu meméénújúcootú tsúuca díbye mééma íjcyánéllíihye.

¹⁸ Ahdícyané tsáma máállítsámeídí eene níjkyéj múnáakévá ámuha medúúrvátúhajchíí ámuha mewágóóóveíñe tsaate ímiááneúvúdú úwáábohíjcyámeídívu. Muurá iwáájácutúnéré baúháñé méénuhíjcyámé naavéváa dítyédívú bóhówáávéné pañe íájtyumíne. Ehdú imyéénúne pánehjídú ícyahíjcyámé ídáátsóméhjíúvu. Árónáa mítyákímyeíhíjcyámé iiye íjtsámeíñe imyéénúneri.

¹⁹ Ááne díibyéjucu Críjto ítyúkevjtsoobe íjcyáíyóóbedi tsá ditye íícúvehíjcyatúne. Muurá dííbye tájpiyé méijcyá dííbyeéjté meícyame. Aame méúráávyehíjcyá Píívyéébeke muhdú díbye ímillédú dííbye píááboríye.

²⁰ Muuráhjáa mewájuryi díbye dsíjivéné ámuha mecáhcújtsóneri tsúuca métahjá míamúnáa íjtsaméí álliúré íjcyane. Aame ámuha ténejcu mewáájacújúcoótúnéllíi méijcyá ténejcútú éhne múu dsíjívemedú. Árónáa jíveekí Píívyéébeke wáájácutúmé

ijcyadu ámuha íjienévú métáhjátsámeíhijcyáhi?
²¹ ¿Íveekí majchóháñetu ámuha meíbóicyúcatsíhijcyáhi?
 Óvíjyacóóné ehdu ámuha meíllívyéébócatsíhijcyáne.
²² Muurá ténéhjitu ámuha meíbóicyúcatsíhijcyaróné
 ijcyá memájchoki. Muurá míamúnáá íjtsaméityúré
 tsááne ámúhakye úwáábohijcyáme. ²³ Aane pánehjídú
 meke báñuhijcyá ímiáané ímí Píívyéébeke ditye
 úráávyéúvúdu. Muurá itsúcunúhijcyámé ícúbáhrámeíne
 idáátsóméhjiúvú íjcyáneri tehjújuco Píívyéébeke
 íavyéjútsohijcyáne. Áronáa tsá diityéké tene píáábotú
 ditye íímíbbáavyeki.

3

¹ Ahdícyane Críjtóo dsíjíveebe tsiíne bóhíínej
 téeveri ímityúmé ámuha meícyahijcyánetu tsúuca
 meíjchivyémé métsúúraméí níjkyéjéene íjcyáneri
 dííbyeke ámuha meíícuvémé dííbyema Cáání úniúvú
 maávyéjuutéki. ² Áánéllii tééneriyé métsúúraméi.
 Óvíjyacóóné ííñújéene. ³ Tsúuca muurá ámuha Críjtoke
 mecáhcujsómé Píívyéébeéjtéréjuco meíjcyame ténejcúrí
 meíícuvéjúcoótúnéllii ámuha ténejcútú meíjcyá
 dsíjívemédu. ⁴ Aabe muurá tsiíne tsáácooca dííbyema
 tsaímíyé meíjcyaa íavyéjuri.

Tsihdyuréjuco meíjcyane

⁵ Ahdícyane ílluréjuco méihvéjtsó páneere
 ímityúné ámuha meméénuhijcyáne. Óvíjyacóóné
 ihdícyáméhjima ámuha medómácócatsíhijcyáne.
 Áhdure tsíñehji ámúhakye tútávájtsóiyóneri ámuha
 meúmúúpívyehijcyanéhjí ílluréjuco méihvéjtsó. Áhdure
 mítyane ámuha meéhnéváiýóneri meítsámeíhijcyáne

méihvéjtso. Muurá níjcyotájteke medúúruváne ímityúné íjcyáné tujkévéenéré teene. ⁶ Ehdu nénehji lléébotúmé méénuhíjcyámedi ihnáhooíñé Píívyéébe ícúbahráne. ⁷ Tehdúu muurá nénehji téhdure ámuha méméénuhíjcyáhi. ⁸ Árone ílluréjuco méihvéjtsó ámuha mecááyóbahíjcyáne, ímityúné ámuha medáríívcatsíhijcyáne, néhni ámuha menéáyócatsíhijcyáne, núcójpítsó nénehji ámuha meíhjúvahíjcyáne. Énehji panévare ílluréjuco méihvéjtso. ⁹ Ténéhji tu tsúuca ámuha tsíñejcúriyéjuco meíjcyame tsáhájucó múu állíúúnújcatsítýúne. ¹⁰ Métsúúraméí éhniíñevu ámuha meímíjpyetéíyóneri ímíñeúvú ámuha Píívyéébeke mewáájácu dífbyedu ímiáámeréjuco ámuha meíjcyaki. Muurá ímiááné tsúuca ámuha tsíhdyuréjuco. ¹¹ Tsá dífbyeéjté meíjcyatú jodíómú meíjcyánéllíihye. Muurá ihdyu pamévare dífbyeéjté íjcyá jodíómú íjcyáturómé kíhdyahírótsámeityuróme, tsííñé íñújííne múnaa íjcyaróme, ííneubará wáájácúturóme, tsaaté úníu múnaa íjcyaróme, tsaatéúbámáyé wákímyeítyuróme. Muurá pámeere Críjtoke mecáhcujsómé tsahturé dífbyeéjté meíjcyáhi.

¹² Muuráhjáa Píívyéébere ámúhake ujcú mítyane ámúhake iwájýúnéllíi dífbyeéjté ámuha meíjcyaki. Aame múu ímiánejcúvú íjtsaméí icyápáyóóvéne wajyújcatsíhi, píáábójcatsíhi, ídáátsóméhjiúvú íjcyáhi, ímiááméré pamévamáyé íjcyáhi, ámuha meícúbáhrámeíyonéhjí aabúcúhi. ¹³ Ááne múu tsáíjyu múhdurá ámúhama pájtyéronéhjí ímíbáchójcatsí ídaatsólléjcatsíñe Críjtóo méhdi ídáátsóvéne meke ímíbajchódu. ¹⁴ Áhdure múu éhniíñevu wajyújcatsí tsaimíyé ámuha meíjcyá íínevú

Corotséetse 3:15 9 Corotséetse 3:25

táhhjátsámeityúme. ¹⁵ Áámeke ihdyu óvíi ámúhakeye Píívyééberéjuco túkévejtsóne. Muurá ímíleebe Críjtoj tééveri ámúhakeye ipíaabóné ímí tsame meijcyaki.

¹⁶ Ááné hallúvú múu dífbyeke ityéhdújtsóne ímjyuuuri duurúvahíjcyá ámúhá íbuúúnetu íjchívyéne májtsiyi. Aame ihdyu wajácúnejcútsi meijcyáne méúwáábohíjcyá Críjtó uwááboju ámúhá pañe íjcyane tsápítsojcatsímyére. ¹⁷ Panéváré múu ñná imyéénunee, ílhjyuváne, íjcyane méénuhíjcyá muhdú ímiááné Ávyéjuube Jetsóoéjté meijcyame meméénúiyódú tééné hallúvú Méécááni Píívyéébeke dífbyej tééveri téhdújtsomére.

Muhdú cahcújtso múnaa íjcyane

¹⁸ Ámuúhá walléemuj, tsúúca Ávyéjuube Críjtó uráávye múnaa ámuha meijcyame múu avyéjuullé ámúhá tajímuke. ¹⁹ Áhdure idyé ámuha wajpímú múu wajyú ámúhá taabámuke. Tsá múu ímityúné dáríívéjcatsityúne.

²⁰ Áhdure tsíime mécahcújtsó ámúháj caanímuke. Ehdu muurá ámuha meijcyane Píívyéébe imílléhi.

²¹ Áhdure ámuha cáánimu tsá múu ámúháj tsíimeke úmécójtsojú ditye ityútávávétuki.

²² Téhdure idyé tsáné avyéjújtemá wákímyeímyé múu cáhcujtsó diityéke. Tsá múu ditye íítérokíyé tsaímíyé wákímyeítyúne. Múu Píívyéébeke íavyejuúlléne tsaímíyé wákímyeíhi. ²³ Áhdure panéváré ñná ámúhá wákímyeí íjcyane múu meenu ímíñeúvú óvéheetúmé dífbyeke ámuha meíícuvénéjuco. ²⁴ Muurá tsúúca ámuha méwaa-jácú Máavyéjuube Jetsocríjtoke meíícuvéne áhdó díbye meke újcuíñé íavyéjuvu tsaímíyējuco dífbyema meijcyaki.

²⁵ Áánetu ímityúné íjcyámeke téhdure ájcuíibye tééne

áhdovu. Muurá Píívyéébe meke pámeekéré tsahtúré wájuryoobe áhdoó muhdú meícyahíjcyádújuco.

4

¹ Aabe níjkyéjiri íjcyaaabe Máavyéjuube meke íítehíjcyá muhdú meíjcyane. Áánéllii múu ávyéjujte íjcyame ímíñeúvú íwákimyéi múnáake picyóó ícúbáhratúme.

² Ahdícyane múu téiibúwá íjcyáne paíjyuvaré Píívyéébeke piáábó táumeíhíjcyá óóchévetúme panévá hallúvú téhdújtsomére. ³ Téhdure múuhá hallúvú métáumeí dibye múuhakye piáábónej péévé múuhakye múha iiná néetume éhniíñevu míamúnáake muha meúwáábo Críjtóo mééma pajtyéteju méénune. Teene o úwáábohíjcyané hallútú muurá íñe ícyooca oo cúvéhóójari. ⁴ Áánéllii ámuhakye o née táhallúvú piáábó ámuha Píívyéébeke metáumeí dibye oke ipiáábo míamúnáake téénevu o wáájácútsoki.

⁵ Téhdure ámuhakye o née panévaturé ímiááméré ámuha meíjcyáne cahcújtso múnaa íjcyátúmeke tééjuvu mewáájácútsoki. ⁶ Aame ihdyu múu ímíñeúvú ihjyúvahíjcyá tsaate ámuhakye díllócooca tsaímíyé diityéké ámuha meúúballeki.

Páávoró pítyajcóné

⁷ Ahdícyane óvíi ménahbe Tííkico ámuhakye táuubállé meenu dífbyema muhtsi Ávyéjuube Jetsocríjtó wákimyéi meméénuhíjcyaaabe. Diibye muurá oke tsaímíyé tééné wákimyéityu piáábohíjcyáhi. ⁸ Áábeke ámuha éllevu ó wallóo ámuhakye tsápíjtsoobéré iúúballe muhdú ílle muha meíjcyane. ⁹ Áábema téhdure tsaapi ménahbe ímiáábé íjcyaaabe Onéétsimo péé ámuhadítyúu tsáábeé.

Aamútsí óví ámúhake úúballé páneere muhdú ílle íjcyane.

¹⁰ Áánetu íñe díbyema muhtsi cúvéhóójari meijcyaabe Arijtáácó ámúhake dúúruváné ámúhake ó úúballéhi. Áhdure Benabéé nahbe Máácó uubállé ámuha wájácú menéébe ámúhake duurúváhi. Aabe ámúhake ááhívetéhajchíí ímíñeúvú méwaatsúcucu. ¹¹ Téhdure idyé Jetsóó díbyere 'Jójtoó' némeíbyé ámúhake duurúváhi. Éhdume tamúnaa jodíómudítýú cahcújtso múnnaa íjcyame oke píáábohíjcyá Píívyéébé avyéjú wákimyéí o méénúnetu. Aame oke mítyane tsápítsohíjcyáhi. ¹² Téhdure ámúhadítýúú tsáábe Epáápara Críjtó wákimyéí méénuhíjcyaaabe ámúhake duurúváhi. Téhdure ámúhá hallúvú mítyane píáábó Píívyéébeke táúmeíhíjcyaaabe ámuha tsaímíyé díbyeke meúraávye muhdú díbye ímíllédu. ¹³ Aane ímíááné ó waajácú ámúhá hallúvú mítyane píáábó díbye táúmeíhíjcyáne. Téhdure Raoditséá cóómíyí íjcyámema Hierááporíyí íjcyámé hallúvú táúmeíhíjcyaaabe. ¹⁴ Téhdure wájýú menéébe taabóóbé Róócáma Déémámutsi ámúhake duurúváhi.

¹⁵ Áhdure táicyánéjcutu Raoditséari íjcyame ménahbémuke o dúúruváné méuubálle. Áhdure Níhpáke pámeere díbye jávú dóbéévehíjcyáné cahcújtso múnáama o dúúruváné méuubálle. ¹⁶ Aane íhyaami ámuha éllevu o wálloháámí ámuha meéévéne boone méwállooco diitye Raoditséari íjcyáné cahcújtso múnáa éllevu téhdure ditye íééveki. Áhdure téhullétú ámuha éllevu ditye wálloháámi ímíñeúvú méééveco. ¹⁷ Áánetu Akíípoke mene díbye ímíñeúvú iníjkéva Píívyéébé díbyeke pícyóóné wákimyéí.

¹⁸ Ehdu íñe ámúhake pámeekéré o dúúruváné ó caatúnú páñetu oore. Áábeke ihdyu oke máábájíívedí

Corotséétse 4:18

12

Corotséétse 4:18

íñe cúvéhóójari o íjcyáábeke. Ahdícyane óví Píívyéébe
ámúhake píaabóhi. Áyu tehdújuco.

Píivyéébé ihju: jetsocríjyodítýú cáátúnuháámi New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 27 Jul 2022 from source files dated 25 Jun 2022

6f878dbd-e896-5e27-b788-1442926dfc48